



205. fundur Breiðafjarðarnefndar, haldinn 16. ágúst 2022, á Teams

Mætt: Erla Friðriksdóttir formaður, Arnar Kristjánsson, Arnheiður Jónsdóttir, Karl Kristjánsson, Valdís Einarsdóttir, Sigurður Halldór Árnason og Magnús A. Sigurðsson

Forföll: Guðríður Þorvarðardóttir forfallaðist.

Fundarritari: Jakob Stakowski

Formaður setti fund kl. 9.00

1. Fundargerð 204. fundar

Fundargerð 204. fundar nefndarinnar frá 30. maí 2022.

Afgreiðsla:

Fundargerð lesin upp og samþykkt.

2. Vettvangsferðin

Fjallað var um vettvangsferð nefndarinnar sem farið verður 22.- 23. ágúst.

Afgreiðsla:

Það er búið að ganga frá dagskrá og hún hefur verið send á nefndina. Jakob mun svo klára allan annan undirbúning ferðarinnar.

3. Gróðurrannsókn

Nefndin ræddi áfram um fyrirhugaða gróðurrannsókn í Breiðafjarðareyjum. Rannsóknartillagan hefur verið í þróun í samstarfi við Náttúrustofu Vestfjarða síðan í apríl 2022.

Afgreiðsla:

Sigurður frá Náttúrustofu Vestfjarða sagði frá því að undirbúningsvinna fyrir verkefnið hafi dregist og verður þess vegna ekki hægt að framkvæma rannsóknina árið 2022. Hins vegar er áfram hægt að skipuleggja rannsóknina betur og setja hana á áætlun fyrir árið 2023. Með frestun fram á næsta ár verður jafnvel hægt að gera meira fyrir sama fé þar sem Náttúrustofa Vestfjarða er með fleiri verkefni í eyjum Breiðafjarðar sem hægt er að tengja við gróðurrannsóknina.

Nefndin samþykkti að halda áfram með undirbúning í haust og framkvæma rannsóknina næsta sumar. Náttúrustofa Vestfjarða vinnur áfram í skipulagi rannsóknar og sendir Breiðafjarðarnefnd sínar tillögur auk kostnaðaráætlunar í lok október á þessu ári.

4. Auglýsing - Aðalskipulag Reykhólahrepps 2022-2034

Breiðafjarðarnefnd fékk senda til umsagnar tillögu að aðalskipulagi Reykhólahrepps 2022-2034. Frestur til að skila umsögn rennur út 27. ágúst.



Afgreiðsla:

Nefndin ræddi tillöguna með tilliti til verndarsvæðis Breiðafjarðar. Jakob mun skrifa drög að umsögn og sendir nefndarfólki hana til yfirlstrar fyrir skilafrest.

5. Auglýsing - Aðalskipulag Dalabyggðar 2020-2032

Breiðafjarðarnefnd fékk senda til umsagnar tillögu að aðalskipulagi Dalabyggðar 2020-2032. Frestur til að skila umsögn rennur út 26. ágúst.

Afgreiðsla:

Nefndin ræddi auglýsingu með tilliti til verndarsvæðis Breiðafjarðar. Jakob mun skrifa drög að umsögn og sendir nefndarfólki hana til yfirlstrar fyrir skilafrest.

6. Tillaga að strandsvæðisskipulagi Vestfjarða

Breiðafjarðarnefnd fékk senda tillögu að strandsvæðisskipulagi Vestfjarða til umsagnar. Frestur til skila á umsögnum er 15. september.

Afgreiðsla:

Nefndin ræddi tillögu og mun skrifa umsögn fyrir 15. september. Jakob sendir drög að umsögninni á nefndina í byrjun september.

7. Beiðni um umsögn vegna tillögu að deiliskipulagi Skerðingsstaða í Grundarfjarðarbæ

Breiðafjarðarnefnd fékk senda tillögu að deiliskipulagsbreytingu Skerðingsstaða við Lárvaðal í Grundarfjarðarbæ.

Afgreiðsla:

Nefndin ræddi tillöguna og mun skrifa umsögn fyrir 15. september. Jakob sendir drög að umsögninni á nefndina í byrjun september.

8. Grundarfjarðarviti, sögupóstar og sagan

Nefndinni barst beiðni um styrk í lok júlí. Beiðni snýst um upplýsingaskilti við Krikjufell við Grundarfjörð.

Afgreiðsla:

Nefndin ræddi beiðni og mun kanna möguleika á að styrkja verkefnið. Jakob mun skoða reglur Breiðafjarðarnefndar um úthlutun styrkja og hvort nefndin hafi svigrúm til að styrkja fyrirhugað verkefni. Jakob upplýsir nefndina um stöðu mála á næsta fundi Breiðafjarðarnefndar.



9. Önnur mál

Erla gerði athugasemd við texta starfsskýrslu Breiðafjarðarnefndar fyrir árið 2021, sem nefndin afhendir umhverfis-, orku- og loftslagsráðherra í ágúst. Nefndin samþykkti athugasemdina. Jakob mun breyta textanum áður en skýrslan verður afhent.

Engin önnur mál voru rædd.

Næsti fundur Breiðafjarðarnefndar verður í vettvangsferðinni 23. ágúst. Þarnæsti fundur Breiðafjarðarnefndar verður svo í september.

Fleira ekki gert og fundi slitið kl. 10.25.